

115 年全國語文競賽臺中市複賽臺灣原住民族語言朗讀文章 【南排灣語】 高中學生組 編號 4 號

ru vecaveca a sacemel

izua a maresiruvetjek a kakedrikedrian anan, a tjaljaljak drusa cavilj, a tjavulung sepatj a cavilj, sa vaikan na kina katua kama a sema vavua a kipusengesengan, sa inadjuq azua aljak a madrusa a marekaka, sa pasemalavi, “ uri vaik a men a sema vavua, nu inia men a qemacuvung ta sengesengan, uri siuljai a men, sa tisun a tjavulung, paljecacunan anga su kaka, nu masulem kiqueljevu, sa kezekezu anga a paljing nu inia tiamen a kina a kama, maya semuqeljeqeljev. ” ayain a maljedrusa.

manu masulem, izua tiamadju a marekaka i paljing a kemaljavaljava tua kama katua kina, tu uri mangtjez tu ini kemuda. cuai anga tiamadju a kemaljavaljava, inia mangetjez a kama katua kina. salilim anga vengin, pacunan a kemasi cadja a sapui, nu tjacuai tjacungu, nu tjacuai tjadungdung azua sapui. “ uzaianga kaka azua tia kina kati kama semapusapui. ” aya tjavulung. sa izua tiamadju a kemaljavaljava i paljing, manu djemaljun azua sapui, ini a caucau, mavan a teljar na qucivauvau. manu sataqedanga tiamadju, inianan a tjumaq a matjaljaljak, qeljevan a siqeljevan sa kezekezi sa kataqed. pitjaiputungen azua tjaljaljak a kaka na tjavulung sa tjetjaidangas ta qerengan timadju. sa kicauv tiamadju sa

kataqed tjaidangdangas ta qerengan, sa kicauv tiamadju sa kataqed.

manu izua a cemugecug ta paljing “ ku aljak, suqeljevi a ken ”, aya zua ti saruiku. “ tima sun? ” aya zua tjavulung a kivadaq. “ su kina ken ”, aya temevela, “ inia namaitazua zaing na ku kina, magelung sun aravac ”, aya temevela a tjavulung. “ su kina angata ken lja, suqeljevi a ken ”, aya , sa azua zaing. “ su kina angata ken lja, suqeljevi a ken, ” aya, sa azua zaing nimadju nama keljitanga, inianga gelugelung, “ suqeljevi a ken ku aljak, qenetji cu a vengin sataqed anga aken uta ” , aya ti saruiku.

vaik a sema paljing a tjavulung, sa kiquenetjan azua kula, vuteqiteqilj azua kula. “ inia ku kina sun, vuteqiteqilj a su kula, sa qacengecengel a kula na ku kina ”, aya tjavulung, sa inia kisuqeljev. sa vaik a kicacadja a qemeceng ta kula ti saruiku. “ su kina ken lja, sataqed anga ken, pai suqeljevi aken ” aya zua saruiku. sa kiquentjan a kula na tjavulung, qecengecengel anga a kula “ ti kina angata! ” aya tjavulung sa suqeljevan. sa puntantalj ti saruiku a sema qumaqan i qerengan.

會騙人的野獸

有對兄弟的父母到山上工作，交待哥哥照顧弟弟，晚上睡覺要把門窗鎖好。把門窗關好後，弟弟睡裡面，哥哥睡邊緣。突然有敲門聲，野獸變聲說：「孩子們開門！我是媽媽！」哥哥說：「你的聲音太低沉，不是媽媽。」「我是媽媽！快開門，我很睏。」門外的聲音變得尖細。哥哥從門下的縫隙看到白白的腳說：「你不是媽媽，媽媽的腳是黑的。」「我真的是媽媽。」野獸把腳弄黑又再度叩門。哥哥看到黑黑的腳就把門打開，只見黑影奔向床鋪。